

**2009-mut Nunatta karsiata naatsorsuutaanik akuersissutigineqarnissaannik siunnersuut**

(Aningaasaqarnermut Naalakkersuisoq)

**Saqqummiussassaq**

Matumuuna Naalakkersuisut sinnerlugit 2009-mut Nunatta karsianut naatsorsuutit saqqummiutissavakka.

Nunatta Karsia 2009-mi 950 mio. kr.-inik amigartoorfiuvoq ilassutitut aningaasaliissutit ilanngullugit 1.005 mio. kr.-inik amigartoonissaq missingersuutigineqarsimalluni. Ukiumut amigartoorutit Landskarsip oqaluttuarisaanerani aatsaat taama amerlatigipput.

Namminersortut ingerlataanni 2009-mi aningaasarsiornikkut ukiup siulianut naleqqiullugu annikinnerusumik ingerlatsisoqarsimavoq. Inuit suliffissaaleqinermik eqqorneqarsimasut amerlassusaat ikittuinnaasimapput ukiulli 2009-ip ingerlanerani amerlisimallutik. Takornariaqarneq aamma raajanik, aalisakkanik, aatsitassanillu avammut tunisineq annikillismapput, sanaartormili ingerlatat suli annertusiartorsimallutik, pingaartumik tamanna Nuummi pisimalluni.

Pingaarnertigut aningaasaqarnermi naalakkersuinikkut ingerlatsineq 2009-mi annertuseriarsimavoq. Ingerlatsinermut aningaasartuutit aningaasaliissutillu 18,8 pct.-imik qaffariarsimapput, isertitalli taamaallaat 1,9 pct.-imik qaffariarsimallutik.

Inatsisartut 2009-mut 441 mio. kr.-inik amigartoortoqarnissaannik missingersuusiorput. Amigartoorutit taakku ilai annertuumik sanaartornikkut ingerlataqarnermik peqquteqarput, pingaartumik erngup nukinganik Sisimiuni nukissiorfiliornermut kisiannili aamma ilinniartitaanermut tunngasunut.

Naalakkersuisut ukiup ingerlanerani Inatsisartut Aningaasaqarnermut Ataatsimiititaliaanut sulianik saqqummiussaqaqartarput, taassuma suliat taakkua akuersissutigai. Soorlu Royal Greenland A/S-imut 500 mio. kr.-inik aningaasaliinissaq pisariaqalersimavoq, ukiullu naajartulernerani Qaasuitsup kommunianut 53 mio. kr.-inik taarsigassarsisitsisoqarsimasoq.

Suliat tamarmik, Inatsisartut Aningaasaqarnermut Ataatsimiititaliaanit 2009-mut akuersisutigineqartut, taakkua ukiumoortumik ilassutissatut aningaasaliissutissatut inatsisaanni katersorneqarput, upernaamut Inatsisartunit 2010-mi upernaakkut ataatsimiinnermi suliarineqartussanngorlugit nassiunneqarlutik.

Sanaartornermut iluarsaassinernullu aningaasaateqarfimmut ilanngaattissat ilanngaatigereerlugit 2009-mi 60 mio. kr.-nit nuunneqarput.

2009-mut Sanaartornermut iluarsaassinernullu aningaasateqarfimmut ilanngaattissat ilanngaatigereerlugit 60 mio. kr.-nit nuunneqarput. Ukiup naatsorsuusiortiusup 2009-p naanerani Sanaartornermut iluarsaassinissamullu aningaasaateqarfik 925 mio. kr.-ninik sanaartugassatut aalajangiunneqarsimasut naammassinissaannut atugassanik imaqaarsimavoq. Ineqarnermut, Attaveqarnermut Angallannermullu Naalakkersuisoq sanaartornermut iluarsaassinissamullu tunngasunik nalunaarusiortitsivoq, tassani tassunga tunngassutillit itinerusumik nassuiarneqarumaarput. Sanaartorneq pillugu nassuiaat Inatsisartut ukiamut ataatsimiinneranni immikkoortutut suliarineqartussaavoq.

Ataatsimut isigalugu nunatta karsia missingersuutitut naleqqiullugu 55 mio. kr.-ninik pitsanngoriaateqarfiuvoq, aningaasarsiornikkut ingerlalluarneq 2009-p tungaanut 2009-llu ingerlanerani katillugit aningaasartuutit isertitanit amerleriarnerusimapput. Taammammatt ungasinnerusoq isigalugu aningaasaqarnermut politikkikkut sukaterinissaq pisariaqarpoq, taamaaliornikkummi aningaasartuutit isertitallu oqimaatigiisinnissaat aqutissiuunneqarsinnaammatt.

Ukiuni 2010-2013-mi Nunatta Karsia annertuunik IST-mi amigartoortussanngorlugi missingersuusiortoqarpoq, pingaarnerusutigut erngup nukingamik nukissiorfiliortoqarmat, tamatumalu akiliisinnaanermut sillimmatit annertuumik ikilisussaattissaavai. Taamaattumik naammattumik akiliisinnaassuseqarnissaq attatiinnarniarlugi uninngasuutinik nutaanik tigusisinnaatitaaneq taarsigassarsiniarnissarlu Namminersorlutik Oqartussanit qulakkeerneqartariaqarpoq.

2009-mut naatsorsuutit Namminersorlutik Oqartussat kukkuneriusartuinit ukioq kingulleq pisoq assigalugu kukkuneriusut oqaseqaasiornerminni ataatsimik piumasaqaateqarsimapput. Piumasaqaat akileraarutinit isertitat annertussusiisa naatsorsorneqarnerannut tunngassuteqarpoq. Kukkuneriusut naatsorsuutini immikkoortut allat eqqortumik tikkuussisutut isigaat.

Taamatut Naalakkersuisut sinnerlugit oqaaseqarlunga matumuuna Nunatta karsianut 2009-mut naatsorsuutit Inatsisartunut Landskarsip Naatsorsuutaasa Kukkunerisiorneqartarnerannut Ataatsimiititaliamullu suliareqqitassanngorlugit tunniuppakka.

**Paasisutissanut takussutissiat, Inatsisartut oqaluttarfianniit saqqummiunneqassanngitsut**

**Matumani 2009-mi atuinermut isertitanullu takussutissiaq**

	<b>Aningaasaliissutit</b>	<b>Atuineq</b>	<b>Nikingassut</b>
Ingerlatsinermit aningaasartuutit	2.997.734,00	2.972.759,00	24.975
Aningaasartuutit inatsisitigut	923.402,00	850.253,00	73.149

pisussaaffiusut			
Tapiissutit	2.247.425,00	2.228.757,00	18.668
Sanaartornermut aningaasartuutit	815.250,00	807.672,00	7.578
<b><u>Aningaasartuutit katillugit</u></b>	<b><u>6.983.811,00</u></b>	<b><u>6.859.441,00</u></b>	<b><u>124.370</u></b>
<b><u>Isertitat</u></b>	<b><u>5.978.894,00</u></b>	<b><u>5.909.465,00</u></b>	<b><u>69.429</u></b>
<b><u>Angusat</u></b>	<b><u>-1.004.917,00</u></b>	<b><u>-949.976,00</u></b>	<b><u>-54.941</u></b>

**Piffissami pigisat nalillit aningaasanngortinneqarsinnaasut ineriartornerat, oqaaseqaatitamerngit ilanngullugit**

Pigisat:	Primo 09	Qaammatip naanerani											
		Jan.	Feb.	Mar.	Apr.	Maj	Jun.	Jul.	Aug.	Sept.	Okt.	Nov.	Dec.
Karsimiittuutit	0	0	0	0	0	0	0	0	0	0	1	0	0
Aningaaserivinniittuutit	545	617	597	587	497	607	710	495	202	300	282	330	420
Obligationit	1.548	1.497	1.497	1.497	1.506	1.508	1.470	1.071	1.066	900	900	900	900
Pigisat nalillit katillugit	2.093	2.114	2.095	2.084	2.004	2.115	2.181	1.567	<u>1.268</u>	<u>1.200</u>	1.182	1.230	1.320
									Skattemut utertoortit				
									Royal Greenland-i				Qaasuitsup kommunea